



CH-7144 Vella, 28 da fevrer 2020

Novitads dalla suprastanza communal Lumnezia

Revisiun parziala dalla constituziun communal

Ils 17 da december 2019 ha la regenza dil cantun Grischun approbau la revisiun parziala dalla constituziun vischnaunca Lumnezia, concludida dalla votaziun all'urna dils 24 da november 2019. Las elecziuns communalas dil 2020 vegnan menadas atras tenor norma dalla nova legislaziun.

Project "Casa da famiglias+"

Ils 03 da zercladur 2019 ha la suprastanza communal decidu da schar elaborar in concept per scaffir spazis per structuradas complementaras da famiglia.

Ensemen cun representants da pliras instituziuns dalla val ein vegni rimnai ils basegns dallas differentas gruppas che vegnan en damonda per far diever dalla purschida. El decuors dil 2020 vegnan offeri per in temps d'emprova emprems models da purschidas. Sin fundament dallas experientschas fatgas, ei planisau d'adattar quella dafertontier.

Project midada casa da scola Cumbel

La suprastanza communal ha dau l'incarida da sclarir ina sanaziun dall'antieriura casa da scola a Cumbel per in niev local da sentupada.

Mesiraziuns da radon

Cun la revisiun dall'ordinaziun federala davart la radioprotecziun (ORaP) dueien affons e giuvenils vegnir protegi meglier encunter imissiuns da radon. Il cunfin da toleranza ei vegnius sbassaus da 1000 sin 300 Becquerel per meter cubic (Bq/m³).

La suprastanza communal ha decidu da schar far el decuors dil 2020 mesiraziuns da radon ellas casas da scola a Cuschnaus ed a Vella.

Diever gratuit dil traffic public

La suprastanza communal ha decidu da sustener il diever gratuit dil traffic public durant la sesiun d'unviern 2019/2020, naven dils 19 da december 2019 entochen ils 13 d'avrel 2020.

Surdadas incaricas da lavur

- 1) Sanaziun dalla via da meglieraziun Vanescha el vischinadi da Vrin:
 - Lavurs d'impressari a Bianchi AG, Sursaissa
- 2) Sanaziun via d'uaul Pardatsch el vischinadi da Vrin:
 - Lavurs d'impressari a Bianchi AG, Sursaissa
- 3) Baghetg da pumpiers Vattiz, Degen:
 - Parts externas en material transparent a Vorcon grafic & design AG, 7031 Laax
 - Gardarobes a Mega Stahl Grassinger GmbH, 8320 Fehraltorf
 - Lavurs da tetg en stuors ad Odilo Demont, 7144 Vella
 - Indrezs interns en lenn a Reto Casanova, 7114 Uors
 - Sigillada plantschius a Retus Ceramicas, 7162 Tavanasa
 - Cuvrida dil plaz entuorn il baghetg a Stradun SA, 7151 Schluein

Sustegns finansials

- Associazion da cascharia Vrin per la sanaziun dalla cascharia Vrin
- Societad da Musica Vignogn per uniformas ed instruments
- Societad da Musica Suraua per uniformas
- Crusch blava Grischun per in stan da prevenziun d'abus da drogas durant igl Open Air Lumnezia 2020
- Pleiv catolica-romana da Lumnezia per la reparatura dil zenn pign dalla baselgia da Vrin
- Pro Lumerins Lumbrein per la stela da crap a Sietschen
- Uniun Musical Surselva per il musical "En 80 dis entuorn il mund"

- Bike Marathon Lumnezia – Obersaxen per il 30avel maraton da velos a Lumbrein
- Regiun Surselva per la colligiaziun dalla Surselva cun fibras ultraladas per il sistem da transmissiun digital a spectrum larg pil provediment da telecomunicaziun.

Conclus dalla radunonza communal Lumnezia dils 13 december 2019

Dalla radunonza communal Lumnezia dils 13 da december 2019 han las votantas ed ils votants priu ils suandonts conclus:

- Approbau il preventiv dil quen annual 2020 cun in surpli da recav da CHF 2'499.
Cumparts dil preventiv:
quen economic cun cuosts e recav,
quen d'investiziuns cun expensas ed entradas
planisaziun d'investiziuns per 2020 - 2025
- Sbassau il pei da taglia communal sin entrada e facultad per 5 % enviers il stan actual. Per igl onn 2020 vala in pei da taglia da 100 % dalla taglia cantunala sempla sin entrada e facultad.
- Approbau il project sanaziun dil provediment d'aua Lumbrein vitg, etappa 1 e 2 e concediu il credit da CHF 2'100'000 per mauns dalla votaziun all'urna.
- Approbau il project per la 2. etappa dalla sanaziun dils stabiliments da scola Sutvitg, Vella cun indrez fotovoltaic e concediu il credit da CHF 3'670'000 per mauns dalla votaziun all'urna.

Conclus dallas votaziuns communalas dils 9 da fevrer 2020

Dalla votaziun communal dils 9 da fevrer 2020 ha las votantas ed ils votants

- Approbau il project e concediu il credit da CHF 2'100'000 per il project sanaziun dil provediment d'aua Lumbrein vitg, etappa 1 e 2
- Approbau il project e concediu il credit da CHF 3'670'000 per la sanaziun dils stabiliments da scola Sutvitg, Vella

Termins radunonzas communalas Lumnezia 2020

(13 da mars 2020) ha buca liug
19 da zercladur 2020
02 d'october 2020
18 da december 2020